

hey weitern so heiß nicht seyn / als daß Metall ist : deßgleichen thut auch der Blitz oder Donnerschlag / dessen Feuer / weil es ganz geschwind kompt / vnd keine Zeit hat / die Poros deren Dinge / die ihm zugegen seyn / vnd es auffhalten wollen / zu suchen / alles das hart vnd compact ist zerschmettert vnd zersprenget / hergegen aber porose Dinge ganz läßt ; wie dann bißweilen ein solcher Blitz ein Schwerdt in der Scheiden / oder das Geldt in dem Beutel schmelzet / vnd die Scheiden oder den Beutel vnversehrt läßt ; auch wol einem Menschen oder Vieh die Köhren vnd Knochen in dem Leib zerbricht / vnd das Fleisch doch ganz bleibt. Dieses alles geschieht vmb der Ursach willen / weil solches Feuer ganz geschwind kompt / vnd kein Zeit hat allgemach durch das compacte Metall zugehen / vnd auch gegen seine Natur nicht wieder zurück weichen wil / so muß derhalben das schwächere dem stärkeren Element weichen ; dann das Feuer vnter allen Elementen das gewaltigste vnd allerstärckeste ist / welches den andern dreyn nicht weichen / sondern dieselbe ihme weichen müssen / welches ihm auch von Natur mitgeben ist.

Also sage ich / daß es auch zugehe mit der Sonnen / Mondes vnd anderer Gestirn Hitze vnd verborgenen Kräfte / welche so lang fürwarts gehen vnd wirken / biß daß sie etwas finden /